



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Item exemplar Epistolæ generalis populi, Senatusque Romani ad Domnum Pippinum Regem directa, in qua continentur gratiarum actiones, & de litteris quas Dominus Pippinus Rex eidem populo direxit pro ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

vobis, quæ pro integritate fidei pertinent, innotescimus: sed ipsa sancta orthodoxa, quam venerando colitis fides, vos & in præsentī vita longeuiter cum victoria foueat & æterna cum sanctis tribuat gaudia possidenda. Incolumem excellentiam vestram gratia superna custodiat.

Item exemplar Epistolæ generalis populi, Senatusque Romani ad Dominum Pippinum Regem directæ, in qua continentur gratiarum actiones, & de litteris quas Dominus Pippinus Rex eidem populo direxit pro fide seruanda, erga sanctam Dei, Romanamq; Ecclesiam, & Dominum Paulum Apostolicum.

XXXVI.

DOMNO excellentissimo atque præcellentissimo, & à Deo instituto magno victori Pippino Regi Francorum & Patricio Romanorum, omnis senatus atq; vniuersa populi generalitas à Deo seruata Romanæ vr̄bis. Si interius mente operum vestrorum studia humanus voluerit sensus pensare, nihil, vt opinamur, ad horum vicissitudinem dignum potest existimari, aut in hac temporali vita rependi, sed tantummodo illa sunt considerata vobis retribui à iusto iudice Domino Deo nostro, quæ oculus non vidit, nec auris audiuit, nec in cor hominis ascendit, quæ præparauit Deus diligentibus se: hæc nempe vobis digna est retributio, dum nimirum vestro certamine sancta Dei Ecclesia atque Christianorum orthodoxa fides dinoscitur esse defensa; omniumque nostrum constant procurata salutis remedia; & quia,

præcellentissime Domine Rex, dignatus est Deus noster redemptionem suæ sanctæ Ecclesiæ, nostrumque omnium operari, meritò nos conuenit operum eius mirabilia decantare consona cum Propheta canentes voce, *quoniam magnificata sunt opera tua Deus, omnia in sapientia fecisti, repleta est terra mirabilibus tuis, quis enim loquatur potentias Domini, auditas faciat omnes laudes eius?* Lætantur enim cœli & exultat terra, in eo, quod talem Dominus Deus noster suæ sanctæ Ecclesiæ contulit defensorem; per quem cum fiducia nomen Domini in sancta aula eius glorificatur.

Psal. 103.

Psal. 103.

Directas itaq; præcellentissimæ ac Christianissimæ benignitatis vestræ litteras, magno honoris affectu acceptantes suscepimus, & ita in earum susceptione lætati sumus, tamquam si vestram excellentiam præsentialiter conspiceremus, gemina festiuitatis gaudia nobis inferentes, dum vestram læticiam amplissimè comperimus; quoniam nihil nobis dulcius Domine Rex, in hac vita existit, quam de vestris prosperitatibus gratulari dum vestra salus nostra post Deum est securitas. At vero in ipsis vestris mellifluis apicibus nos salutari prouidentia vestra & ammonere præcellentia vestra studuit firmos nos ac fideles debere permanere erga B. Petrum, principem Apostolorum, & sanctam Dei Ecclesiam & circa beatissimum & coangelicum spiritalem patrem vestrum, à Deo decretum Dominum nostrum Paulum summum Pontificem & vniuersalem Papam, pro quo omnino lætati sumus in tam vestra prudentissima admonitione. O quanta diuina adspiratione interna viscerum nostrorum præcordia, in nobis, vestris fidelibus, redundant.

dant. Verè enim, Domne Rex, profecto spiritus Dei
 in vestro mellifluo inhabitat corde, & ideo tam salu-
 tari consilio, vestros bene cupientes admonere studu-
 istis; Nos quidem, præcellentissime Regum, firmi ac
 fideles serui sanctæ Dei Ecclesiæ, & præfati ter beatif-
 simi & coangelici spiritalis patris vestri, Domni nostri,
 Pauli summi Pontificis & vniuersalis Papæ consisti-
 mus, quia ipse noster est pater, & optimus Pastor, &
 pro nostra salute decertare cotidie non cessat, sicut
 & eius germanus, sanctæ recordationis, beatissimus
 Dominus Stephanus Papa, fouens nos & salubriter
 gubernans, sicut reuera rationales sibi à Deo com-
 missas oues, dum nimirum & mitissimus & verè in
 omnibus misericors existit; imitator effectus beati
 Petri, cuius vices gerit, & dum eius vicarius confi-
 stit, nos quidem, excellentissime ac Christianissime
 Domne Rex, firmam fiduciam in huiuscemodi ve-
 stra habemus pollicitatione, sed obnixè depreca-
 mur, & tanquam præsentialiter vestris regalibus pro-
 uoluti vestigiis, petimus, etiam & per nos beatus Pe-
 trus, vestram adgreditur excellentiam, vt iubeas, be-
 nignissime Regum nosterque post Deum, defensor,
 ita solitè decertare ac disponere, vt perfecta sanctæ
 Dei Ecclesiæ exaltatio, & fidei nostræ orthodoxæ, ^{*procurat.}
 omniumque nostrum ^{itur.} *profligetur defensio: peten-
 tes & hoc coram DEO VIUO, qui vos in Regem per
 suum Apostolum, beatum P E T R V M, vngui præ-
 cepit, vt dilatationem huius prouinciæ à vobis de
 manu gentium ereptæ perficere iubeatis, & in eo,
 quod cœpistis, bono permaneat opere, quatenus
 in magna securitatis quiete degere valeamus, & ex
 hoc æternam vobis in cœlo exoratam retributionis
 merce-

mercedem recipiatis, quoniam maximã, post Deum, & B. Petrum, in vestri fortissimi Regni brachio possidemus spem, & credimus in omnipotentis Dei nostri misericordiam, quod amplissime nobis ea nostra ipsa spes operum vestrorum inferat fructum.

Exaudi Domine Rex supplicationem nostram omnium bene cupientium vobis & libentissime aures tuas accommoda in hoc ipsum, quod postulamus; sic te exaudiat Dominus in omnibus tuis petitionibus. Tu enim post Deum, noster es defensor & auxiliator, etsi omnes capitis nostri capilli lingue effecti fuerint, non valebunt ob tanta vestra beneficia dignas referre gratiarum actiones. Veruntamen in quantum mens nostra valet, laudis vestrae præconia in omnibus gentibus diulgamus; Vnde eleuatis oculis extensisq; palmis ad æthera, Dominum Deum nostrum immensis exoramus precibus, sua vos seueri gratia, mittens angelum potentia suæ propugnatorem ante faciem vestram, qui omnes aduersarios vestros expugnans, vestris subiiciat vestigiis, regniq; vestri dilatet terminos, & victoriam vobis e cœlo concedat, ad perpetuam atque perennem sanctæ Dei Ecclesiæ & nostram immensam securitatem, æuisq; ac felicissimis temporibus regale culmen vobis, ac excellentissimæ Dominae Reginae, atq; præclaris vestris natis, excellentissimis Regibus concedat possidendum & æterna præmiorum cum sanctis & electis multipliciter tribuat gaudia.

Incoluem Excellentiam vestram gratia superna custodiat.



Item